

**M0000124: verso of dedication page from Thomas Geminus:  
Compendiosa...anatomiae delineatio (1545)**

**Publication/Creation**

18 July 1929

**Persistent URL**

<https://wellcomecollection.org/works/jqcc6vhf>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

christianum decet, illud ter maximum creatoris artificium, eiusq; bonitatem, qui sic hominem condidit, ut nisi ipse sibi malum (naturalis uitæ ratione neglecta) accersat, perpetuo incolumis sit uicturus. Tam enim secundum naturam, & ipsam partium harmoniam sunt creata omnia. Sed indoctum medicorum uulgus, hæc non intelligens, sepe oleo incēdium restinguere conatur. Atqui non sum interim rei theologicæ tam ignarus, ut existimem illam partium harmoniam esse perpetuam. Quare de naturali incolumitate differens, imprimis excipio cōmunem uirium corporis humani defectionem, quam quisq; secundum suam periodum uelit nolit sentire debet. Mortales enim propter diuini præcepti transgressionem, sumus ad unum omnes. Regnatq; in pœnâ peccati, ea in nostris membris rebellio. Deinde excipio morbos nobis ingenitos: descendimus enim ex carnali nostrorum parentum generatione, cuius occasione sæpenumero fit ut etiam ex ipsis quos habent corporeos defectus contrahamus. Adeo ut & Hypocrates dicat, *ἐξέχεται δὲ γόνος ἐκ τοῦ παντός τοῦ σώματος, καὶ ἀπὸ μὲν τῶν ὑγίων ὑγιὲς ἀπὸ δὲ τῶν νοσούντων νοσούντος*, Hoc est, Quod semen a toto corpore profluit in procreatione scetus, & a membris sanis, semen sanum: a membris uerò languidis, semen languidum. Vnde ipse quidem plurimum demiror, quidnam Aristoteli in mentem uenerit ut negaret ab omnibus corporis partibus semen deriuari. Nonne liberis innascitur parentum suorum pulchritudo aut deformitas? Nonne quotidie experimur propagari certorum membroꝝ morbos in filios nostraq; posteritatem unde satis adpareat seminis materiã, & ab illis parentū membris esse ortam? Quid multis? Ipse herclē nonnullos noui, qui ex tota sua profapia, podagrici fuere. Atq; his præterea ingenitis morbis, addamus contagiosos: qui inficiunt aut suo contactu, aut uicinitate. Semper enim aliquid mali, propter uicinū malum, ut sunt pestis, scabies, lepra, &c. Quorū & certa ratio reddi potest, sed singula persequi, non est huius instituti. Id demum nunc restat, ut hanc integram perfectamq; Anatomen esse declarem. Collocemq; studiosis ob oculos, singulas partes, singularumq; partium propagines, & harmonias. Idq; per manus (quas uocant) mercuriales, quæ nobis erunt literæ alphabeticae, ut doceant & nobis commōstrent singularum partium situs, figuras atq; magnitudines. Quemadmodum uero sunt uaria, in corpore humano exteriora membra: & eorum singula, sua habent præscripta munera: oculi enim uident, aures audiunt, pedes ambulant &c. Ita interiora, sine quorum subsidio cessant exteriora, sunt diligēter discutienda. Nisi enim essent foramina in ossibus temporum, quæ sunt meatus auditorius, aures frustra nobis patulæ essent. Proinde ijs obstructis, aures audire nequeunt. Simile quiddam datum est oculis, quandoquidem & hi frustra nobis paterent, nisi esset iris ambiens pupillam, quæ ipsum oculi foramen est, quo species uisibiles recipiuntur, & in quo defixi sunt nerui optici, qui spiritus aduehant. In naribus autem, quod est organum olfactus, sunt duæ carunculae mammillares sub cerebro. Estq; odorum sensus, mortalibus datus, in confortationē cerebri: quod porro quum sit natura humidū ac frigidū, per nares excernit suas superfluitates. Hæc igitur cæteraq; uniuersa sunt in hoc uolumine ad plenum delineata. Postremo si cælitus descendit *γνώσις αὐτῶν*, id est nosce teipsum: Quis tam erit stolidus qui hoc exercitium diuinum, cœleste ac necessarium esse neget? Per hoc enim homo sui corporis compagem intelligens, etiam in perfectam sui noticiam ducitur, inq; seipsum descendit. Deus qui est opifex omnium, Tuam nobis Maiestatem diu seruet incolumem.

AMEN.

Tuæ Maiestati semper mancipatissimus  
Thomas Geminus  
Lysienis,

LONDINI: Quarto Calendas  
Octobres.  
ANNO 1545.